


Broj: 13/01-05-3779-2/17
Sarajevo, 23.02.2017. godine

KANTON SARAJEVO
SKUPŠTINA KANTONA SARAJEVO
n/r predsjedateljica prof. Ana Babić



PREDMET: Odgovor na zastupničko pitanje, zastupnika Edina Forte, dostavlja se, -

U skladu sa članom 219. Poslovnika Skupštine Kantona Sarajevo ("Službene novine Kantona Sarajevo", br.41/12, 15/13, 47/13, 47/15 i 48/16), Ministarstvo za rad, socijalnu politiku, raseljena lica i izbjeglice Kantona Sarajevo daje odgovor na zastupničko pitanje, zastupnika Edina Forte, postavljeno na 25. Radnoj sjednici Skupštine Kantona Sarajevo, održanoj dana 07.02.2017. godine, citat: „*Da li imate podatke o efektima programa za zapošljavanje po svim osnovama koje Kanton Sarajevo izdvaja iz Budžeta i koliki uticaj je to imalo na stope nezaposlenosti, te da li su ti efekti mjereni dugoročno ili kratkoročno? Imate li metodologiju po kojoj ste vršili analize i na osnovu kojih kvantitativnih podataka?*“

Mjere za podsticanje zapošljavanja i održavanja više stope zaposlenosti predstavljaju ukupne aktivnosti usmjerene za podsticanje zapošljavanja u Kantonu Sarajevo, koje se u skladu sa politikom i strategijom tehničkog i tehnološkog razvoja privrede, utvrđuju u cilju unapređenja tržišta rada, smanjenja nezaposlenosti, te obezbjeđenja potrebnih kadrova u skladu sa zahtjevima poslodavaca ili planovima razvoja privrede Kantona Sarajevo.

Ministarstvo za rad, socijalnu politiku, raseljena lica i izbjeglice Kantona Sarajevo u pravilu ne planira sredstva za oblast zapošljavanja, već se ista izdvajaju iz sredstava Javne ustanove "Služba za zapošljavanje Kantona Sarajevo" Sarajevo, kroz aktivne politike zapošljavanja.

Prema Zakonu o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), Vlada Kantona Sarajevo na prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo, svake godine donosi programe mjera za podsticaj zapošljavanja i održavanja više stope zaposlenosti u Kantonu Sarajevo sa načinom i kriterijima za realizaciju u kojem su, navedene pojedinačne podsticajne mjere tj. programi, finansijska sredstva za njihovu realizaciju i broj nezaposlenih lica koji se planira zaposliti ili angažirati. Programima mjera predviđeno je praćenje istih kroz monitoring i evaluaciju. Koje podsticajne mjere će u konkretnom slučaju biti predmet monitoringa i evaluacije, način i oblast u kojima će se provoditi, period kada će se monitoring i evaluacija provoditi, imenovanje tima za monitoring i evaluaciju (predstavnici više

ministarstava, zastupnici itd), stručna i tehnička podrška i način informisanja o provedenom monitoringu i evaluaciji, propisuje se aktom Ministarstva za rad, socijalnu politiku, raseljena lica i izbjeglice Kantona Sarajevo.

Javna ustanova "Služba za zapošljavanje Kantona Sarajevo" Sarajevo je obavezna staviti na uvid timu za monitoring i evaluaciju cjelokupnu dokumentaciju vezanu za predmet i pružiti svaku drugu stručnu i tehničku podršku. Informacija o provedenom monitoringu i evaluaciji se putem Ministarstva za rad, socijalnu politiku, raseljena lica i izbjeglice, dostavlja Vladi Kantona Sarajevo na usvajanje, te onda i Skupštini Kantona Sarajevo.

Ministarstvo za rad, socijalnu politiku, raseljena lica i izbjeglice Kantona Sarajevo je od 2011. godine uvelo u svoje programirane zadatke monitoring i evaluaciju pojedinačnih podsticajnih mjera zapošljavanja, te shodno tome i izvještavanje Skupštine Kantona Sarajevo o istom – na godišnjem nivou. Putem ovih izvještaja Skupština Kantona Sarajevo se od 2011. godine redovno informiše o efektima određenih pojedinačnih podsticajnih mjera zapošljavanja.

Javna ustanova "Služba za zapošljavanje Kantona Sarajevo" Sarajevo od 2014. godine razvija IT sistem u cilju utvrđivanja stvarnih efekta novih metoda rada, kroz primjenu utvrđenih procedura kojima je regulisan sistem mjerenja učincima uključujući i sistem evaluacije učinka aktivnih politika zapošljavanja kako bi se pratilo da li su programi bili adekvatno osmišljeni, ciljani, uvezani, te provedeni.

U cilju prezentiranja najrelevantnijih podataka u kontekstu zastupničkog pitanja u nastavku ćemo iznijeti podatke koji se odnose na realizaciju programa mjera podsticanja zapošljavanja i održavanja više stope zaposlenosti u Kantonu Sarajevo za period 2014. - 2016. godina, uključujući kretanje stope zaposlenosti odnosno nezaposlenosti.

	2014.	2015.	2016.
Finansijska sredstva	5.750.977,00 KM	9.291.624,00 KM	9.243.844,00 KM
Pojedinačne mjere podsticanja zapošljavanja	<ul style="list-style-type: none"> - Program sufinansiranja samozapošljavanja - Program sufinansiranja zapošljavanja pripravnika VSS, VŠS, SSS i KV - Program javnih radova 	<ul style="list-style-type: none"> - Program sufinansiranja samozapošljavanja - Program javnih radova - Program obuke, dokvalifikacije/prekvalifikacije nezaposlenih osoba za poznatog poslodavca - Program sufinansiranja zapošljavanja pripravnika VSS, VŠS, SSS i KV 	<ul style="list-style-type: none"> - Program javnih radova - Program obuke, dokvalifikacije/prekvalifikacije nezaposlenih osoba za poznatog poslodavca - Program sufinansiranja zapošljavanja "Zlatna značka" - Program sufinansiranja zapošljavanja pripravnika VSS, VŠS, SSS i KV stručne spreme - Program sufinansiranja zapošljavanja pripravnika VSS, VŠS, SSS i KV stručne spreme po Javnom pozivu od

			16.11.2015.godine - Program sufinansiranja zapošljavanja "100+" - Program sufinansiranja zapošljavanja „Partnerstvom do novih radnih mjesta"
Stopa zaposlenosti	41,77%	41,87%	44,5% (podaci oktobar/novembar)
Stopa nezaposlenosti	36,19%	36,40%	34,6% (podaci oktobar/novembar)

S poštovanjem,

Pripremila: Belma Trajkov, stručna savjetnica



STRICA
[Redacted]

Dostaviti:
1. Naslovu,
2. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1

